



共四冊  
 平治會萃 下  
 内科摘要 上



中武  
 584  
 6





平治會萃第三

薛氏醫按

元 朱 震亨 著

明薛 己校 吳玄有閱

婦人科

經水經候過期而作疼者乃虛中有熱所以作疼

經水不及期血熱也四物湯加黃連

經候將來而作疼者血滯也

桃仁 香附 黃連

過期乃血少也

川芎 當歸 帶人參白朮與痰藥

過期紫黑色有塊血熱也必作痛

四物湯加黃連 香附



淡色過期者乃痰多也

二陳湯加川芎

當歸

紫色成塊者乃是熱也四物湯加黃連之類

痰多古住血海地位因而下多者目必漸昏肥人如此 南星

蒼朮

香附

川芎作丸服

肥人不及日數而多者痰多血虛有熱前方加黃連白朮若血枯經閉者四物湯加桃仁紅花

軀肥脂滿經閉者導痰湯加芎連不可服地黃泥隔故也如用以生薑汁炒

血崩

崩之為病乃血之大下豈可為寒但血去後其人必虛當大補氣血東垣有治法但不言熱其主於寒學者宜再思之

急則治其標白芷湯調百草霜

甚者棕櫚皮灰後用四物湯加乾姜調理

因勞者用參芪帶升補藥

因寒者加乾姜

因熱者加黃芩參芪

崩過多者先服五靈脂末一服當分寒熱五靈脂能行止婦人

血崩用白芷香附為丸

白帶用椒目末又用白芷末

一方用生狗頭骨燒灰存性或酒調服或入藥服之

又方用五靈脂半生半熟為末以酒調服

氣虛血虛者皆於四物湯加人參黃芪

漏下乃熱而虛者四物湯黃連

帶下赤白

赤屬血 白屬氣 主治燥濕為先

帶漏俱是胃中痰積流下滲入膀胱宜升無人知此肥人多是

海石 半夏 南星 蒼木 川芎 椿皮 黃柏

瘦人帶病少如有帶者是熱也

黃柏 滑石 川芎 椿皮 海石

甚者上必用吐以提其氣下用二陳湯加蒼木白木仍用丸子

一本作瓦龍子

又云赤白帶皆屬於熱出於大腸小腸之分

一方黃荆子炒焦為末米飲湯下治白帶亦治心痛羅先生治

法或十棗湯或神祐丸或玉燭散皆可用不可峻攻實者可用

此法虛則不宜

血虛者加減四物湯 氣虛者以參朮陳皮間與之 濕甚者

用固腸丸 相火動者於諸藥中少加炒柏 滑者加龍骨赤

石脂 滯者加葵花性燥者加黃連寒月少入薑附臨機應變

必須斷厚味

又方用

良薑 芍藥 黃柏二錢各 椿皮末一兩

右為末粥為丸每服三四十九

痰氣帶下者

蒼木 香附 滑石 蛤粉 半夏 茯苓

婦人上有頭風鼻涕下有白帶

南星 蒼木 黃柏炒 滑石 半夏 川芎 辛夷

牡蠣粉炒 茯苓

白帶兼痛風

半夏 茯苓 川芎 陳皮 甘草 蒼木炒浸

南星 牛膝酒洗 黃柏酒浸晒乾炒

子嗣

肥盛婦人不能孕育者以其身中膜脂閉塞子宮而致經事不能行可用導痰湯之類

瘦怯婦人不能孕育者以其子宮無血精氣不聚故也可用四物湯養血養陰等藥

產前胎動

孕婦人因火動胎逆上作喘者急用條黃芩香附之類將條芩更於水中沉取重者用之

固胎

地黃半錢 人參 白芍各一錢 白朮半錢 川芎

歸身尾一錢 陳皮一錢 甘草二錢 糯米一十粒 黃連此少

黃柏此少 桑上羊兒藤用七葉完者

右咬咀煎湯服之

血虛不安者用阿膠 痛者縮紗行氣故也 一切病不可表

惡阻 從痰治

戴云惡阻者謂婦人有孕惡心阻其飲食者是也肥者有痰瘦者有熱多用二陳湯

或白朮為末水丸隨所好或湯或水下

婦人懷妊愛物乃一臟之虛假如肝臟虛其肝氣止能生胎無餘用也又云不能榮其肝肝虛故受酸

血塊死血食積痰飲成塊在兩脇動作腹鳴嘈雜眩運身熱時

作時止

黃連一兩 一兩 一半用茱萸炒去茱萸 山梔半兩 炒 苔芎半兩

香附一兩 童便浸 蘿蔔子一兩 炒 山查一兩 三稜

青皮 神麴各半 莪朮半兩 用米醋煮 桃仁半兩 留尖去皮

白芥子一兩 半炒 瓦龍子消血

右為末作丸子服之

一婦人血塊如盤有孕難服峻劑

香附四兩 醋煮 桃仁一兩 夫皮尖 海石二兩 醋煮 白朮一兩

右為末神麴為丸

束胎

束胎丸第八箇月服之

黃芩酒炒 夏用一兩 秋用七錢 冬用半兩 茯苓七錢 陳皮二兩 忌火

白朮一兩 粥為丸

束胎散即達生散

人參半錢 陳皮半錢 白朮 白芍 歸身尾各一錢半

甘草二錢 炙 大腹皮三錢 紫蘇半錢

或加枳殼砂仁作一貼入青葱五葉黃楊木葉稍十箇煎待

於八九箇月上服十數貼甚得力或夏加黃芩冬不必加春

加川芎或有別證以意消息

第九箇月服

黃芩一兩 酒炒 宜熱藥不 白朮一兩 枳殼七錢 半炒

滑石七錢 半 臨月十日 前小便多時減此一味

右為末粥為丸如梧桐子大每服三十九空心熱湯下不可

多恐損元氣

安胎

白朮 黃芩 炒麴 粥為丸

黃芩安胎乃上中二焦藥能降火下行

確砂安胎治痛行氣故也

益母草即克蔚子治產前產後諸病能行血養血難產作膏

地黃膏 牛膝膏

胎漏

氣虛 血虛 血熱

戴云胎漏者謂婦人有胎而血下漏者

子腫 濕多

戴云子腫者謂孕婦手足或頭面通身浮腫者是也用山梔炒

合米飲湯吞下

難產

難產之由亦是八九箇月內不謹者

氣血虛故亦有氣血凝滯而不能轉運者

催生方

白芷灰 滑石 百草霜

右為末芎歸湯或薑汁調服之

治胎衣不下

婦人大全方別有藥

產後 血暈

虛火戴血漸漸暈來

用鹿角燒灰出火毒研為極細末以好酒調灌下即醒行血極

快也

又方用韭葉細切盛於有嘴瓶中以熱醋沃之急封其口以嘴塞產婦鼻中可愈眩暈

產後補虛

人參

白朮

各一錢

黃芩

陳皮

川芎

各半錢

歸身尾

半錢

甘草

三錢

有熱加生薑

三錢

茯苓

三錢

必用大補氣血雖有雜証以末治之

當清熱補血氣

消血塊

滑石三錢沒藥二錢麒麟竭二錢無則牡丹皮

右為末醋糊作丸 瓦龍子能消血塊

泄

川芎

黃芩

白朮

茯苓

乾薑

滑石

白芎

炒

陳皮

咬咀煎湯服之

惡露不盡

謂產後敗血所去不盡在小腹作痛

五靈脂

香附米

蛤粉

醋丸

甚者入桃仁不去尖

如惡血不下以五靈脂為末神麩糊丸白朮陳皮湯下

中風

不可作風治切不可小續命湯服之必大補氣血然後治痰

當以左右手脉分其氣血多少而治 口眼喎斜不可服小續命湯

發熱惡寒

大發熱必用乾薑輕用茯苓淡滲其熱一應苦寒熱發表藥皆

不可用也

薛氏醫案

平治會萃卷三

七

卷三



纔見身熱便不可表發熱惡寒皆是氣血

左手脉不足補血藥多於補氣藥

右手脉不足補氣藥多於補血藥

惡寒發熱腹滿者當去惡血腹滿者不是腹痛者是產後不可用白芍藥以其酸寒伐生發之氣故也  
產後一切病皆不可發散

小兒科

小兒食積痰熱傷乳為病大槩肝與脾病多

小兒肝病多及大人亦然肝只是有餘腎只是不足

吐瀉黃疸

三稜

莪朮

陳皮

青皮

神麩

麥牙

甘草

白朮

茯苓

黃連

右為末水調服

傷乳吐瀉者加山查

時氣吐瀉者加滑石

發熱者加薄荷

吐瀉用益元散錢氏五補五瀉之藥俱可用

急慢驚風

發熱

口瘡

手心伏熱

痰熱

痰喘

痰嗽

並用通法重則用瓜蒂散輕則用苦參赤小豆末須酸壅汁調服吐之後用通聖散蜜丸服之

驚有二證

一者熱痰主急驚當直瀉之

一者脾虛乃為慢驚所主多死當養脾

東垣云慢驚者先實脾土後散風邪

急者只用降火下痰養血

慢者只用硃砂安神丸更於血藥中求之

黑龍丸

牛膽南星

礞石

各一兩焰

天竺黃

青黛

蘆薈

硃砂

僵蚕

蜈蚣

燒存性

右為細末煎甘草湯膏丸如鷄頭大每服一九或二九急驚薄荷湯下慢驚桔梗白朮湯下

神聖牛黃奪命散

檳榔

半兩

木香

三錢

大黃

二兩麵裹煨熟為末

白牽牛

一兩一半炒

黑牽牛

用一半炒用

右為一處研作細末入輕粉少許每服二錢用蜜漿水調下不拘時候微利為度

疳病

胡黃連丸

胡黃連

半錢去果積

阿魏

一錢半醋煮去肉積

麝香

四粒

神麩

二錢半去食積

黃連

二錢半炒去熱積

右為末猪膽汁丸如黍米大每服二十九白朮湯下小兒疳病腹大黃連丸二十九白朮湯下

痘瘡

分氣虛血虛補之

氣虛用人參白朮加解毒藥

血虛四物湯加解毒藥酒炒芩連名解毒藥

但見紅點便忌升麻葛根湯發得表虛也

吐瀉少食為裡虛不吐瀉能食為實

裏實而補則結癰腫

陷伏倒靨灰白為表虛或用燒人屎黑陷甚者燒人屎紅活綻

幸氏醫案

五台會館

九

也

疔瘡或初出或未出時人有患者宜預服此藥多者合少重者合輕方用絲灰近帶三寸連瓜子皮燒灰存性為末砂糖拌喫入硃砂末亦可

解痘瘡毒藥

絲瓜

升麻

酒芍藥

甘草

生用糖毬

黑豆

犀角

赤小豆

解痘瘡法已出未出皆可用硃砂為末以蜜水調服多者可減少者可無

腹脹

蘿蔔子

蒸

紫蘆梗

陳皮

乾薑

各等分

甘草

減半

食減者加白朮煎服

夜啼

人參

一錢半

黃連

一錢半

甘草

半錢

竹葉

二十片

右作三服加薑一片煎服之

口糜

戴云謂滿口生瘡者是也

江茶粉草傳之

又方苦參

黃丹

五倍子

青黛各等分傳之

脫囊腫大

戴云脫囊者陰囊腫大墜下不收上之說

木通

甘草

黃連

當歸

黃芩

煎服

脫囊紫蘆葉為末水調傳上荷葉裹之

脫肛

戴云脫肛者大腸脫下之說

東北方陳壁上土湯泡先薰後洗亦可脫囊用藥服之

木舌

戴云木舌者舌腫硬不和軟也又言重舌者亦是此類二者蓋是熱病用

百草霜 滑石 苾硝為末酒調服

癰疹

黑癩 紅癩 瘡癢 用通聖散調服

咯紅

戴云咯紅者即唾內有血非吐血與咳血

黑豆 甘草 陳皮 煎服

喫泥 胃熱故也

軟石膏 甘草 黃芩 陳皮 茯苓 白朮

右煎湯服之

痢疾 食積

黃芩 黃連 陳皮 甘草 煎服

赤痢加紅花桃仁 白痢加滑石末

食積痢

炒麩 蒼朮 滑石 芍藥 黃芩

白朮 甘草 陳皮 茯苓

右咬咀煎下保和丸

解顛

乃是母氣虛與熱多耳

戴云即初生小兒頭上骨未合而開者

薛氏醫案

卷之三

七

也

右以四君子湯四物湯有熱加酒芩炒黃連生甘草煎服外以絹帛繫緊用白欵木敷之

虻虫

練樹根為君佐以二陳湯煎服

日磔

鬱金 藜蘆 灰蒂 為末搐鼻

風痰

南星 半兩 白礬 半兩入器中水高一 白附子 二兩 用飛白麩

丸如鷄頭大每服一丸或二丸薑蜜薄苛湯化下服之

癩頭

用紅炭焯長流水令熱洗之又服酒製通聖散除大黃酒炒外以胡荽子伏龍肝懸龍尾黃連白礬為末調敷 又方用

松樹厚皮 燒灰二兩 白膠香 熬沸傾石上二兩 黃丹 一兩 日礬 半兩

軟石膏 一兩 黃連 半兩 大黃 五錢 輕粉 四錢

右極細末熬熟油調敷瘡上先洗了瘡花敷乃佳

赤瘤

生地黃 木通 荆芥 苦藥帶表之類

用芭油塗患處

鼻赤

雄黃 黃丹 同敷

一小兒好喫成腹痛

黃連 白酒藥 為末調服乃愈

火豈君相五志俱有論

火之為病其害甚大其變甚速其勢甚彰其死甚急何者蓋能

燔灼焚焰飛走狂越消鑠於物莫能禦之遊行乎三焦虛實之  
兩途曰君火也猶人火也曰相火也猶龍火也火性不妄動能  
不違於道常以稟位聽命運行造化生存之機今夫人在氣交  
之中多動少靜欲不妄動其可得乎故凡動者皆屬火也火一  
妄行元氣受傷勢不兩立偏勝則病移他經事非細故動之極  
也病則死矣經所以謂一水不勝二火之火出於天造君相之  
外又有厥陰臟腑之火根於五志之內六欲七情激之其火隨  
起大怒則火起於肝醉飽則火起於胃房勞則火起於腎悲哀  
動中則火起於肺心為君主自焚則死矣丹溪又啓火出五臟  
主病曰諸風掉眩屬於肝火之動也諸瘡痛瘍屬於心火之用  
也諸氣憤鬱屬於肺火之升也諸濕腫滿屬於脾火之勝也經  
所謂一水不勝五火之火出自人為又考內經病機二十九條

內舉屬火者五諸熱瘡瘰皆屬於火諸禁鼓慄如喪神守皆屬  
於火諸逆衝上皆屬於火諸燥狂越皆屬於火諸病附腫疼癢  
驚駭皆屬於火而河間又廣其說火之致病者甚多深契內經  
之意曰喘嘔吐酸暴注下迫轉筋小便渾濁腹脹大鼓之有聲  
癰疽瘍疹瘤氣結核吐下霍亂脊鬱腫脹鼻塞鼽衄血溢血泄  
淋閉身熱惡寒戰慄驚感悲笑謔妄衄衄血汚之病皆少陰君  
火之火乃真心小腸之氣所為也若瘡瘕暴痞胃味躁擾狂越  
罵詈驚駭附踵痠疼氣逆上衝禁慄如喪神守嘔嘔瘡瘍喉癰  
耳鳴及聾嘔湧溢食不下日昧不明暴注瞶瘕暴病暴死此皆  
少陽相火之熱乃心包絡三焦之氣所為也是皆火之變見於  
諸病也謂為脈虛則浮大實則洪數藥之所主各因其屬君火  
者心火也可以濕伏可以水滅可以直折惟黃連之屬可以制

之相火者龍火也不可以濕折之從其性而伏之惟黃柏之屬  
可以降之噫瀉火之法豈止如此虛實多端不可不察以藏氣  
司之如黃連瀉心火黃芩瀉肺火芍藥瀉脾火柴胡瀉肝火知  
母瀉腎火此皆苦寒之味能瀉有餘之火耳若飲食勞倦內傷  
元氣火不兩竝為陽虛之病以甘溫之劑除之以黃芪人參甘  
草之屬若陰微陽強相火熾盛以乘陰位日漸煎熬為火虛之  
病以甘寒之劑降之如當歸地黃之屬若心火亢極鬱熱內實  
為陽強之病以鹹冷之劑折之如大黃朴硝之屬若腎水受傷  
其陰失守無根之火為虛之病以壯水之劑制之如生地黃玄  
參之屬若右腎命門火衰為陽脫之病以溫熱之劑濟之如附  
子乾薑之屬若胃虛過食冷物抑遏陽氣於脾土為火鬱之病  
以升散之劑發之如升麻乾葛柴胡防風之屬不明諸此之類  
而求火之為病施治何所依據故於諸經集畧其說畧備處方之  
用庶免實實虛虛之禍也

氣屬陽動作火論

捍衛冲和不息之謂氣擾亂妄動變常之謂火當其和平之時  
外護其表復行於裏周流一期循環無端出入升降繼而有常  
源出中焦總統於肺氣曷嘗病於人也及其七情之交攻五志  
之間發乖戾失常清者遽變之為濁行者抑遏而反止表失衛  
護而不和內失健悍而少降營運漸遠肺失主持妄動不已五  
志厥陰之火起焉上燔肺氣之病焉何者氣本屬陽反勝則為  
火矣河間有曰五志過極則為火也何後世不本此議而一槩  
類聚香辛燥熱之劑氣作寒執所據何理且言七氣湯製作其  
用青皮陳皮三稜蓬木益智官桂甘草遂以為平和可用常通

治七情所傷混同一意未愈其藥以治真氣以下諸氣尤有甚焉者茲不復敘况所居之情各各不同且夫經言九氣之變未嘗畧而不詳如怒則氣上喜則氣緩悲則氣涸恐則氣下寒則氣收熱則氣泄驚則氣亂勞則氣耗思則氣結其言治法高者抑之下者舉之寒者熱之熱者寒之驚者平之勞者溫之結者散之喜者以恐勝之悲者以喜勝之九氣之治各有分別何嘗混作寒論治而類聚香熱之藥通言以治諸氣豈理之哉夫氣乃氤氳清虛之象若霧露之着物今以時以其氣久抑滯借此斃行開發之意藥中無佐使制伏所起之氣遇之甚則增熾鬱火蒸薰氣液而成積自積滋長而成痰一飲下隔氣乃氤氳清虛之象若霧露之著物滯雖易散內挾痰積閉而復結服之日久安有氣實而不動氣動而不散者乎此皆人所受誤之由習

俗已久相沿而化卒莫能救升發火過香辛散氣燥熱傷氣真氣耗散濁氣上騰猶曰腎虛不能攝氣歸原遂與蕪子降氣湯四磨湯下黑錫丹養氣丹鎮墜上升之氣且硫黃黑錫佐以香熱又無補養之性藉此果能生氣而補腎乎請熟詳之夫溫痰盛甚者亦或當之初服未顯憎變田其喜墜而愈耳形質弱者何以收救不悟肺受火炎子氣亦弱降令不行火無以制相扇而動本勢空虛命絕如縷積而至深丹毒濟火一旦火氣狂散喘急奔息而死所以有形丹石丸藥重墜無形之氣其氣將何抵受隨而降之乎譬以石投水水故水嘗沉也豈不死歟丹溪有曰上升之氣自肝而出中挾相火其熱愈甚自覺無冷非真冷也火熱似水積熱之甚陽亢陰微故有此證認假作真似是之禍可勝言哉內經雖云百病皆生於氣以正氣受邪之不一



也今七情傷氣鬱結不舒痞悶壅塞變爲諸病當詳所起之因  
滯於何經上下部分藏氣之不同隨經用藥有寒熱溫涼之同  
異若枳殼利肺氣多服損胃中至高之氣青皮瀉肝氣多服損  
真氣與夫木香之治中下焦氣香附之快滯氣陳皮之泄氣霍  
香之馨香上行胃氣紫蘊之散表氣厚朴之瀉衛氣檳榔之瀉  
至高之氣沉香之升降其氣腦麝香之散真氣若此之類氣實  
可宜其中有行散者有損泄者可過劑乎用之能却氣之標而  
不能治氣之本豈可又佐以燥熱之藥以火濟火混同施治又  
使之常服多服可乎氣之與火一埋而已動靜之變反化爲二  
氣作火論治與病情相得丹溪發揮論云冷生氣者出於高陽  
生之謬言也身非自受寒氣口食寒物而足論寒者吾恐十之  
無一二也

血屬陰難成易虧論

內經曰榮者水穀之精也和調五臟洒陳於六腑乃能入於脈  
也源源而來生化於脾總統於心藏於肝脾宣布於肺施泄於  
腎灌溉一身目得之而能視耳得之而能聽手得之而能攝掌  
得之而能握足得之而能步臟得之而能液腑得之而能氣是  
以出入升降濡潤宣通者由此使然也注之於脈少則濇克則  
實常以飲食日滋故能陽生陰長取汗變化而亦爲血也生化  
旺則經恃此而長養衰耗竭則百脈由此而空虛可不謹養哉  
故曰血者神氣也持之則存失之則亡是知血盛則形勝血弱  
則形衰神靜則陰生形役則陽克陽盛則陰必衰又何言陽旺  
而生陰血者何哉蓋謂血氣之常陰從乎陽隨氣運行於內而  
無陰以羈束之則氣何以樹立故其致病也易而調治也難以

其比陽常虧而又損之則陽易克陰易乏之論可以見矣諸經有云陽道實陰道虛陽道常饒陰道常乏陽常有餘陰常不足以人之生也年至十四而經行至四十九而經斷可見陰血之難成易虧如此陰氣一虧傷所變之證妄行於上則吐衄衰涸於外則虛勞妄返於下則便紅稍血熱則膀胱癰閉溺血滲透腸間則為腸風陰虛陽搏則為崩中濕蒸熱癩則為滯下熱極腐化則為膿血火極似水血色紫黑熱盛於陰發於瘡瘍濕滯於血則為痛癢癰疹皮膚則為冷痺畜之在上則人喜念畜之在下則人喜狂墮恐跌仆則瘀惡肉凝若分部位身半已上同天之陽身半已下同地之陰此特舉其所顯之證者治血必血屬之藥欲求血藥其四物之謂乎河間謂隨證輔佐謂之六合湯者詳言之矣余故陳其氣味專司之要不可不察夫川芎血

中之氣藥也通肝經性味辛散能行血滯於氣也地黃血中血藥也通腎經性味甘寒能生真陰之虛也當歸分三治血中主藥通腎經性味辛溫全用能活血各歸其經也芍藥分陰藥也通脾經性味酸寒能和血氣腹痛也若求陰藥之屬必於此而取則焉脾胃論有云若善治者隨經損益損其一二味之所宜為主治可也此特論血病而求血藥之屬者也若氣虛血弱又當從長沙血虛以人參補之陽旺則生陰血也若四物者獨能主血分受傷為氣不虛也輔佐之屬若桃仁紅花蕪木血竭牡丹皮者血滯所宜蒲黃阿膠地榆百草霜欄灰者血崩所宜乳香沒藥五靈脂凌霄花者血痛所宜荏蓉瑣陽牛膝枸杞子益母草夏枯草敗龜板者血虛所宜乳酪血液之物血燥所宜乾薑桂者血寒所宜生地黃玄參血熱所宜此特取其正治之大

畧耳以其觸類而長可謂無窮之應變矣

滯下辯論

滯下之病嘗見世方以赤白而分寒熱妄用堯澁燥劑止之或言積滯而行巴礪丸藥攻之或指濕熱而與淡滲之劑利之一偏之誤可不明辨乎按原病式所論赤白同於一理反復陳喻但不孰察耳果腸胃積滯不行法當辛苦寒涼藥推陳致新蕩滌而去不宜巴礪毒熱下之不則鬱結轉甚而病變危者有之矣若瀉痢不分兩證混言濕熱不利小便非其治也夫泄者水穀濕之象滯下者垢瘀之物同於濕熱而成治分兩岐而藥亦異若淡滲之劑功能散利水道濁流得快使泄自止此有無之形豈可與滯下混同論治而用導滯行積可乎其下痢出於大腸傳送之道了不干於腎氣所下有形之物或如魚腦或下如

豆汁或便白濃或下純血或赤或白或赤白相雜若此者豈可與瀉混同論治而用淡滲利之可乎嘗原其本皆由腸胃日受飲食之積餘不盡行留滯於內濕蒸熱瘀鬱結日深伏而不作時逢炎暑不行相火司令又調攝失宜復感酷熱之毒至秋陽氣始收火氣下降蒸發蓄積而滯下之證作矣以其積滯之滯行故名之曰滯下其濕熱瘀積于於血分則赤于於氣分則白赤白兼下氣血俱受邪矣久而不愈氣弱不運脾積不磨陳積脫滑下凝猶若魚腦矣甚則腸胃空虛關司失守濁液并流色非一類錯雜混下注出狀如豈汁矣若脾氣下陷虛坐努責便出色如白膿矣其熱傷血深濕毒相瘀粘結紫色則紫黑矣其汚濁積而欲出氣滯而不與之出所以下迫窘痛後重裏急至圍而不能便總行類併亦少乍止乍起而不安此皆大腸經有

所應遏窒礙氣液不得宣通故也衆言難據何法則可求之長沙論云利之可下者悉用大黃之劑可溫者悉用薑附之類何嘗以巴礪熱毒下之緊澁重欲堯之又觀河間立言後重則宜下腹痛則宜和身重則宜溫脈弦則去風膿血粘稠以重藥竭之身冷自汗以重藥溫之風邪內縮宜汗之鶩澹爲痢當溫之在表者汗之在裏者下之在上者湧之在下者竭之身表熱者內疎之小便澀者分利之用藥輕重之別又加詳載行血則便自愈調氣則後重自除治實治虛之要論而丹溪又言大虛大寒者其治驗備載局方發揮觀此諸法豈可膠柱而調瑟又有胃弱而閉不食此言禁口痢病七方未有詳論者以內大法推之內格嘔逆火起炎上之象究乎此則胃虛木火乘之是土敗木賊也見此多成危候

### 三焦之疾燥熱勝陰

嘗讀劉河間先生三消之論始言天地六氣五味以配養人身六位五臟而究乎萬物之原終引內經論渴諸症以辨乎世方熱藥之誤此比物立象反覆申明其深達陰陽造化之機者孰能如是邪請陳其略夫經中有言心肝氣厥而渴者有腎熱而渴者有言胃與大腸結熱而渴者有言脾痺而渴者有因小腸庫熱而渴者有因傷飽肥甘而食渴者有因醉飽入房而渴者有因遠行勞倦遇天熱而渴者有因傷害胃乾而渴者有因腎熱而渴者有因痛風而渴者雖五臟之部分不同而病之所遇各異其於燥熱勝液一也三消之熱本濕寒之陰氣衰燥熱之陽氣大甚皆因乎飲食飢飽失節腸胃乾涸而氣液不得宣平或耗亂精神過違其度或因大病陰氣損而血液衰虛陽氣燁

而燥熱鬱甚或因久嗜鹹物恣食炙煇飲食過度亦有年少服金石丸散積久實熱結於下焦虛熱血氣不能利實熱燥甚於腎故渴而不飲若飲水多而小便多者名曰消中若渴而飲水不絕腿消瘦不甚渴小便數而消瘦者名曰消渴若渴而飲水不絕腿消瘦而小便有脂液者名曰腎消此三消者其燥熱同也故治疾者補腎水陰寒之虛而瀉心火陽熱之實除腸胃燥濕之甚濟身津液之衰使道路散而不結津液生而不枯氣血利而不澁則病日已矣豈不以滋潤之劑養陰以制燥滋水而克液哉何故泄漏消渴多者不知其書謂因下部腎水虛不能制其上焦心火使上實熱而多煩渴不虛冷而小便若更服寒藥則元氣轉虛而下部腎水轉衰則上焦心火尤難治也但以煖藥補養元氣若下部腎水得實而勝退上焦心火則自然渴止小便如常

而病愈也吁若此未明陰陽虛實之道也夫腎水屬陰而本寒虛則為熱心火屬陽而本熱虛則為寒若腎水陰虛則心火陽實是謂陽實陰虛而上下俱熱矣以彼人言但見消渴數澀妄言為下部寒爾豈知腸胃燥熱怫鬱使之然也且夫寒物屬陰能養水而瀉心熱物屬陽能養火而耗水今腎水既不能勝心火則上下俱熱柰何以熱養腎水欲令勝心火豈不聞哉彼不謂水氣實者必能制火虛則不能制火故陽實陰虛而熱燥其液小便淋而常少陰實陽虛不能制水小便利而常多此又不知消渴小便多者蓋燥熱太甚而三焦腸胃之腠理怫鬱結滯緻密壅塞而水液不能滲泄浸潤於外以養乎百骸故腸胃之外燥熱太甚雖多飲水入於腸胃之內終不能浸潤於外故渴不止而小便多水液既不能滲泄浸潤於外則陰燥竭而無以

薛氏醫按 平治會萃卷三  
自養故久而多變為聾盲瘡瘍痲痺之類而危殆其為燥熱傷陰也明矣

泄瀉從濕治有多法

泄瀉者水瀉所為也由濕本土土乃脾胃之氣也得此證者或因於內傷或感於外邪皆能動乎脾濕脾病則升舉之氣下陷濕變注并出大腸之道以胃與大腸同乎陽明一經也云濕可成泄垂教治濕大意而言後世方論泥云治濕不利小便非其治也故凡泄瀉之藥多用淡滲之劑利之下久不止不分所得之因遠以為寒而用緊澁熱藥兜之夫泄有五飧泄者水穀不化而完出濕兼風也唐泄者漸下汗積粘垢濕兼熱也鶩泄者所下澄澈清冷小便清白濕兼寒也濡泄者體重軟弱泄下多水濕自甚也滑泄者久下不能禁固濕勝氣脫也若此有寒熱

虛實之不同舉治不可執一而言謹書數法於後夫泄有宜汗解者經言春傷於風夏必飧泄又云久風為飧泄若保命集云用蒼朮麻黃防風之屬是也有宜下而保安者若長沙言下痢脉滑而數者有宿食也當下之利已差至其時復發者此為下未盡更下之安悉用大承氣湯加減之劑有宜化而得安者格致餘論夏月患泄百方不効視之久病而神亦瘁小便少而赤脉滑而頗弦格悶食減因悟此久積所為積濕成痰留於肺中宜大腸之不通也瀉其源則流自清以茱萸等作湯溫服一碗許探喉中一吐痰半升如利減一半次早晨飲吐半升而利止有以補養而愈者若脾胃論言脉弦氣弱自汗四肢發熱大便泄瀉從黃芪建中湯有宜調和脾濕而得止者若潔古言曰四肢懶倦小便不利大便走泄沉困飲食減少以白朮芍藥茯苓

苓加減治之有宜升舉而安者若誠効方言胃中濕脾弱不能  
通行食下則爲泄助甲膽風勝以尅之以升陽之藥羌活獨活  
升麻防風炙甘草之屬有宜燥濕而後除者若脾胃謂言土濕  
有餘脉緩怠惰嗜卧四肢不收大便泄瀉從平胃散有宜寒涼  
而愈者若長沙言協熱自利者黃芩湯主之舉其濕熱之相宜  
者若長沙言下利脉遲緊痛未欲止當溫之下列心痛急當救  
裏下痢清白水液澄澈可與理中四逆湯輩究其利小便之相  
宜者河間言濕勝則濡泄小便不利者可與五苓散益元散分  
導之以其收斂之相宜者東垣言寒滑氣泄不固製訶子散澁  
之以上諸法各有所主宜獨利小便而濕動也豈獨病因寒必  
待龍骨石脂緊重燥毒之屬澁之治者又當審擇其說一途取  
利約而不博可乎

薛氏醫按內科卷上目錄

元氣虧損內科外感等症

飲食勞倦虧損元氣等症

脾胃虧損心腹作痛等症

脾胃虛寒陽氣脫陷等症

命門火衰不能生土等症

腎虛火不歸經發熱等症

脾胃虧損吞酸噎腐等症

脾胃虧損停食泄瀉等症

脾胃虧損停食痢疾等症

脾胃虧損瘧疾寒熱等症

脾肺虧損咳嗽痰喘等症

各症方藥

卷下

脾腎虧損頭眩痰氣等症

肝腎虧損血燥結核等症

脾腎虧損小便不利肚腹膨脹等症

脾胃虧損暑濕所傷等症

附食生  
冷入房

肝脾腎虧損頭目耳鼻等症

脾肺腎虧損小便自遺淋漓等症  
脾肺腎虧損虛勞怯弱等症  
脾肺腎虧損遺精吐血便血等症  
肝脾腎虧損下部瘡腫等症  
脾肺腎虧損大便秘結等症  
各症方藥

目錄畢

丙科摘要上卷

薛氏醫按

吳郡薛 已著

新都吳玄有校

元氣虧損內傷外感等症

車駕王用之卒中昏憤口眼喎斜痰氣上湧咽喉有聲六脉沉伏此真氣虛而風邪所乘以三生飲一兩加人參一兩煎服即甦若遺尿手撒口開鼻睡為不治用前藥亦有得生者夫前飲乃行經絡治寒痰之藥有斬關奪旗之功每服必用人參兩許駕驅其邪而補助真氣否則不惟無益適足以取敗矣觀先哲用芪附參附等湯其義可見

州判蔣大用形體魁偉中滿吐痰勞則頭暈所服皆清痰理氣余曰中滿者脾氣虧損也痰盛者脾氣不能運也頭暈者脾氣



不能升也指麻者脾氣不能周也遂以補中益氣加茯苓半夏以補脾土用八味地黃以補土母而愈後惑於乾坤生意方云凡人手指麻軟三年後有中風之疾可服搜風天麻二丸以預防之乃朝餌暮服以致大便不禁飲食不進而歿愚謂預防之理當養氣血節飲食戒七情遠幃幙可也若服前丸以預防適所以招風取中也

一男子卒中口眼喎斜不能言語遇風寒四肢拘急脉浮而緊此手足陽明經虛風寒所乘用秦艽升麻湯治之稍愈乃以補中益氣加山梔而痊若舌瘡不能言足痿不能行屬腎氣虛弱名曰痺症宜用地黃飲子治之然此症皆由將息失宜腎水不足而心火暴盛痰滯於胸也輕者自甦重者或死

一男子體肥善飲舌本硬強語言不清口眼喎斜痰氣湧盛肢

體不遂余以為脾虛濕熱用六君加煨葛根山梔神麩而痊

吾師僉憲高如齋自大同回謂余曰吾成風疾矣兩腿逸則痿軟而無力勞則作痛如鍼刺脉洪數而有力余告之曰此肝腎陰虛火盛而致痿軟無力真病之形作痛如錐邪火之象也用壯水益腎之劑而愈先生曰向寓宦邸皆以為風恨無醫藥若服風劑豈其然哉乃吾之幸也竊謂前症往往以為風疾徹用發散而促其危者多矣

大尹劉孟春素有痰兩臂作麻兩目流淚服祛風化痰藥痰愈甚臂反痛不能伸手指俱攣余曰麻屬氣虛因前藥而復傷肝火盛而筋攣耳况風自火出當補脾肺滋腎水則風自息熱自退痰自清遂用六味地黃丸補中益氣湯不三月而痊

一儒者素勤苦惡風寒鼻流清涕寒禁嚏噴余曰此脾肺氣虛

不能實腠理彼不信服祛風之藥肢體麻倦痰涎自出殊類中風余曰此因風劑耗散元氣陰火乘其土位遂以補中益氣加麥門五味治之而愈

外甥年六十餘素善飲兩臂作痛恪服祛風治痿之藥更加麻木發熱體軟痰湧腿膝拘痛口禁語澁頭目昏重口角流涎身如蟲行搔起白屑始信謂余曰何也余曰臂麻體軟脾無用也痰涎自出脾不能攝也口斜語澁脾氣傷也頭目暈重脾氣不能升也痒起白屑脾氣不能營也遂用補中益氣加神麴半夏茯苓三十餘劑諸症悉退又用參朮煎膏治之而愈

秀才劉允功形體魁偉不慎酒色因勞怒頭暈仆地痰涎上湧手足麻痺口乾引飲六脉洪數而虛余以爲腎經虧損不能納氣歸源而頭暈不能攝水歸源而爲痰陽氣虛熱而麻痺虛火上炎而作渴用補中益氣合六味丸料治之而愈其後或勞倦或入房其病卽作用前藥隨愈

憲幕顧斐齋飲食起居失宜左半身并手不遂汗出神昏痰涎上湧王竹西用參芪大補之劑汗止而神思漸清頗能步履後不守禁左腿自膝至足腫脹甚大重墜如石痛不能忍其痰甚多肝脾腎脉洪大而數重按則軟滑余朝用補中益氣加黃柏知母麥門五味煎送地黃丸晚用地黃丸料加黃柏知母數劑諸症悉退但自弛禁不能全愈耳

庠生陳時用素勤苦因勞怒口斜痰盛脉滑數而虛此勞傷中氣怒動肝火用補中益氣加山梔茯苓半夏桔梗數劑而愈鄧衣楊永興形體豐厚筋骨軟痛痰盛作渴喜飲冷水或用愈風湯天麻丸等藥痰熱益甚服牛黃清心丸更加肢體麻痺余

以爲脾腎俱虛用補中益氣湯加減八味丸三月餘而痊已後  
連生七子壽踰七旬外科精要云凡人久服加減八味丸必肥  
健而多子信哉

先母七十有五遍身作痛筋骨尤甚不能伸屈口乾目赤頭暈  
痰壅胸膈不利小便短赤夜間殊甚遍身作痒如蟲行用六味  
地黃丸料加山梔柴胡治之諸症悉愈

一男子時瘡愈後遍身作痛服愈風丹半身不遂痰涎上湧夜  
間痛甚余作風客淫氣治以地黃丸而愈

一老人兩臂不遂語言蹇澁服祛風之藥筋攣骨痛此風藥虧  
損肝血益增其病也余用八珍湯補其氣血用地黃丸補其腎  
水佐以愈風丹而愈

一婦人因怒吐痰胸滿作痛服四物二陳苓連枳殼之類不應

更加祛風之劑半身不遂筋漸攣縮四肢痿軟日晡益甚內熱

口乾形體倦怠余以爲鬱怒傷脾肝氣血復損而然遂用逍遙

散補中益氣湯六味地黃丸調治喜其謹疾年餘悉愈形體健康

一婦人脾胃虛弱飲食素少忽痰湧氣喘頭搖目劓手揚足躑

難以候脉視其面色黃中見青此肝木乘脾土用六君加柴胡

升麻治之而甦更以補中益氣加半夏調理而痊

一婦人懷抱鬱結筋攣骨痛喉間似有一核服烏藥順氣散等

藥口眼歪斜臂難伸舉痰涎愈甚內熱晡熱食少體倦余以爲

鬱火傷脾血燥風生所致用加味歸脾湯二十餘劑形體漸健

飲食漸加又服加味道遙散十餘劑痰熱少退喉核少利更用

升陽益胃湯數劑諸症漸愈但臂不能伸此肝經血少用地黃

丸而愈

一產婦筋攣臂軟肌肉掣動此氣血俱虛而有熱用十全大補湯而痊其後因怒而復作用加味逍遙散而愈

一產婦兩手麻木服愈風丹天麻丸遍身皆麻神思倦怠晡熱作渴自汗盜汗此氣血俱虛用十全大補加炮薑數劑諸症悉退却去炮薑又數劑而愈但有內熱用加味逍遙散數劑而愈一男子善飲舌本強硬語言不清余曰此脾虛濕熱當用補中益氣加神麩麥芽乾葛澤瀉治之○一婦人善怒舌本強手臂麻余曰舌本屬土被木剋制故耳當用六君加柴胡芍藥治之○一男子舌下牽強手大指次指不仁或大便秘結或皮膚赤暈余曰大腸之脈散舌下此大腸血虛風熱當用逍遙散加槐角秦艸治之○一男子足痿軟日晡熱余曰此足三陰虛當用六味滋腎二丸補之○一婦人腿足無力勞則倦怠余曰四肢

者土也此屬脾虛當用補中益氣及還少丹主之俱不從余言各執搜風天麻二丸并愈風丹而殞

飲食勞倦虧損元氣等症

進士王汝和因勞役失於調養忽然昏愠此元氣虛火妄動痰痰而作急令灌童便神思漸爽更用參朮各五錢芎歸各三錢玄參柴胡山梔炙草各一錢服之稍定察其形倦甚又以十全大補湯加五味麥門治之而安凡人元氣素弱或因起居夫宜或因飲食勞倦或因用心太過致遺精白濁自汗盜汗或內熱晡熱發熱潮熱或口乾作渴喉痛舌裂或胸乳膨脹脇筋作痛或頭頸時痛眩暈目花或心神不寧寤而不寐或小便赤澀莖中作痛或便溺餘滴臍腹陰冷或形容不充肢體畏寒或鼻氣急促或更有一切熱症皆是無根虛火但服前湯固其根本諸

症自息若攻其風熱則悞矣

光祿高署丞脾胃素虛因飲食勞倦腹痛胸痞誤用大黃等藥下之謔語煩躁頭痛喘汗吐瀉頻頻時或昏憤脈大而無倫次用六君子加炮薑四劑而安但倦怠少食口乾發熱六脈浮數欲用瀉火之藥余曰不時發熱是無火也脈浮大是血虛也脈虛浮是氣虛也此因胃虛五臟虧損虛症發見服補胃之劑諸症悉退

大尹徐克明因飲食失宜日晡發熱口乾體倦小便赤澀兩腿酸痛余用補中益氣湯治之彼知醫自用四物黃柏知母之劑反頭眩目赤耳鳴唇燥寒熱痰湧大便執痛小便赤澀又用四物芩連枳實之類胸膈痞滿飲食少思汗出如水再用二陳芩連黃柏知母麥門五味言語謔妄兩子舉拂屢治反甚復求余

用參芪各五錢歸朮各三錢遠志茯神酸棗仁炙草各一錢服之熟睡良久四劑稍安又用八珍湯調補而愈夫陰虛乃脾虛也脾為至陰因脾虛而致前症蓋脾稟於胃故用甘溫之劑以生發胃中元氣而除大熱胡乃反用苦寒復傷脾血耶若前症果屬腎經陰虛亦因腎經陽虛不能生陰耳經云無陽則陰無以生無陰則陽無以化又云虛則補其母當用補中益氣六味地黃以補其母尤不宜用苦寒之藥世以脾虛誤為腎虛輒用黃柏知母之類反傷胃中生氣害人多矣大凡足三陰虛多因飲食勞役以致胃不能生肝肝不能生火而害脾土不能滋化但補胃土則金旺水生木得乎而自相生矣

一男子每遇勞役食少胸痞發熱頭痛吐痰作渴脈浮大余曰此脾胃血虛病也脾屬土為至陰而生血故曰陰虛彼不信服

二陳黃連枳實厚朴之類諸症益甚又服四物黃柏知母麥門更腹痛作嘔脈洪數而無倫次余先用六君加炮薑痛嘔漸愈又用補中益氣全愈

秀才劉貫卿勞役失宜飲食失節肢體倦怠發熱作渴頭痛惡寒誤用人參敗毒散痰喘昏憤揚手擲足胸間發癢如蚊所啣余用補中益氣加薑桂麥門五味補之而愈

黃武選飲食勞倦發熱惡寒或用解表之藥益甚再劑昏憤胸發黑癢脈洪數而無力余欲用補中益氣之劑不從而歿

一儒者素勤苦因飲食失節大便下血或赤或黯半載之後非便血則盜汗非惡寒則發熱血汗二藥用之無効六脈浮大心脾則瀦此思傷心脾不能攝血歸源然血即汗汗即血其色赤黯便血盜汗皆火之升降微甚耳惡寒發熱氣血俱虛也乃午

前用補中益氣以補脾肺之源舉下陷之氣午後用歸脾加麥門五味以補心脾之血收耗散之液不兩月而諸症悉愈

癸卯春人日余在下堡顧氏會間有儒者許梅村云舍親馬生者發熱煩渴時或頭痛昨用發散藥反加喘急腹痛其汗如水晝夜譫語余意此勞傷元氣誤汗所致其腹必喜手按許往詢之果然遂與十全大補加附子一錢服之熟睡喚而不醒舉家驚惶及覺諸症頓退再劑而痊凡人飲食勞役起居失宜見一切火症悉屬內真寒而外假熱故肚腹喜煖口畏冷物此乃形氣病氣俱屬不足法當純補元氣為善

一儒者日晡兩目緊澁不能瞻視此元氣下陷用補中益氣倍加參芪數劑全愈

一男子患症同前服黃柏知母之類目疾益甚更加便血此脾

氣虛不能統血肝氣虛不能藏血用補中益氣六味地黃以補  
肝脾生腎水諸症漸愈

一男子飲食勞倦而發寒熱右手麻木或誤以為疔毒敷服皆  
寒涼敗毒腫脹重墜面色痿黃肢體倦怠六脉浮大按之如無  
此脾胃之氣虛也詢之果是銷銀匠因熱手入水梅銀寒凝隧  
道前藥益傷元氣故耳遂用補中益氣及溫和之藥煎湯清手而愈  
一儒者修左足傷其大指甲少許不見血不作痛形體如故後  
因飲食勞倦足重墜微腫痛或晝睡或夜寐其足如故誤服敗  
毒之劑寒熱腫痛益脾起於足大指此是脾氣虛弱下陷用十  
全大補湯而愈

余素性愛坐觀書久則倦怠必服補中益氣加麥門五味酒炒  
照黃柏少許方覺精神清安否則夜間少寐足內酸熱若再良  
久不寐腿內亦然且兼腿內肋似有抽縮意致兩腿左右頻移  
展轉不安必至倦極方寐此勞傷元氣陰火乘虛下注丁酉五  
十一歲齒縫中有如物塞作脹不安甚則口舌如有瘡然日晡  
益甚若睡良久或服前藥始安至辛丑時五十有五晝間齒縫  
中作脹服補中益氣一劑夜間得寐至壬寅有內艱之變日間  
雖服前劑夜間齒縫亦脹至午前并諸齒每肢體方得稍健午  
後仍脹觀此可知血氣日衰治法不同

脾胃虧損心腹作痛等症

唐儀部胸內作痛月餘腹亦痛左關弦長右關弦緊此脾虛肝  
邪所乘以補中益氣加半夏木香二劑而愈又用六君子湯二  
劑而安此面色黃中見青

儀部李北川常患腹痛每治以補中益氣加山梔即愈一日因

怒肚腹作痛胸脇作脹嘔吐不食肝脈弦緊此脾氣虛弱肝火  
所乘仍用前湯吞左金丸一服而愈此面色黃中見青兼赤  
太守朱陽山因怒腹痛作瀉或兩脇作脹或胸乳作痛或寒熱  
往來或小便不利飲食不入嘔吐痰涎神思不清此肝木乘脾  
土用小柴胡加山梔炮薑茯苓陳皮製黃連一劑即愈製黃連  
即黃連  
吳茱萸等分用熱水拌濕淹二  
三日同炒焦取連用後倣此  
陽山之內素善怒胸膈不利吐痰甚多吞酸噉腐飲食少思手  
足發熱十餘年矣所服非苓連枳實必檳蘇厚朴左關弦洪右  
關弦數此屬肝火血燥木乘土位朝用六味地黄丸以滋養肝  
木夕用六君加當歸芍藥以調補脾土不月而愈癸卯夏患背  
疽症屬虛寒用大溫補之藥而愈乙巳夏因大怒吞酸噉腐胸  
腹脹滿余以他往旬日或用二陳石膏治之吐涎如湧外熱如

灼將用滾痰丸下之余到診之脈洪大按之如無余曰此乃脾  
胃虧損而發熱脾弱而涎泛出也余用六君加薑桂一鍾即睡  
覺而諸症如失又數劑而康

儒者沈尼文內停飲食外感風寒頭痛發熱惡心腹痛就治倣  
止余用人參養胃加芎芷麩蘂香附桔梗一劑而愈次日抵家  
前病仍作腹痛請治以手重按痛即止此客寒乘虛而作也乃  
以香砂六君加木香炮薑服之睡覺痛減六七去二香再服飲  
食少進又加黃芪當歸少佐升麻而愈

府庠徐道夫母胃腕當心痛劇右寸關俱無左雖有微而似絕  
手足厥冷病勢危篤察其色眼胞上下青黯此脾虛肝木所勝  
用參朮茯苓陳皮甘草補其中氣用木香和胃氣以行肝氣用  
吳茱萸散脾胃之寒止心腹之痛急與一劑俟滾先服煎熟再



進諸病悉愈向使泥其痛無補法而反用攻伐之藥禍不旋踵  
一婦人懷抱鬱結不時心腹作痛年餘不愈諸藥不應余用歸  
脾加炒山梔而愈

脾腎虛寒陽氣脫陷等症<sup>四</sup>

譚侍御但頭痛即吐清水不拘冬夏喫薑便止已三年矣余作  
中氣虛寒用六君加當歸黃芪木香炮薑而痊

一儒者四時喜極熱飲食或吞酸噉腐或大便不實足指縫濕  
痒此脾氣虛寒下陷用六君加薑桂治之而愈稍爲久宜諸疾  
仍作用前藥更加附子錢許數劑不再發

一男子形體倦怠飲食適可足指縫濕痒行坐久則重墜此脾  
胃氣虛而下陷用補中益氣加茯苓半夏而愈

一男子食少胸滿手足逆冷飲食畏寒發熱吐痰時欲作嘔目

用清氣化痰及二陳枳實之類胸膈膨脹嘔吐痰食小便淋漓  
又用四苓連柏知母車前小便不利諸病益甚余曰此脾胃虛  
寒無火之症故食入不消而反出遂用八味丸補火以生土用  
補中益氣加薑桂培養中宮生發陽氣尋愈

一男子每勞肢體時痛或用清痰理氣之劑不勞常痛加以導  
濕臂痛漫腫形體倦怠內熱盜汗脉浮大按之微細此陽氣虛  
寒用補中益氣加附子一錢人參五錢腫痛悉愈又以十全大  
補百餘劑而康彼計服過人參一十三斤薑附各斤餘

大雅云家母年四十有二嘉靖壬寅七月患脾虛中滿痰嗽發  
熱又因濕麪冷茶吞酸嘔吐絕食誤服苓連青皮等藥益加寒  
熱口乾流涎不收且作渴聞食則嘔數日矣迎先生視之曰脾  
主涎此脾虛不能約制故涎自出也欲用人參安胃散惑於衆

論以為胃經實火宿食治之病日增劇忽思冬瓜食如指甲一塊頓發嘔吐酸水不止仍服前藥愈劇復邀先生視之則神脫脈絕瀕死矣惟日晴尚動先生曰寒淫於內治以辛熱然藥不能下矣急用鹽艾附子炒熱熨臍復以散寒回陽又以口氣補接母口之氣又以附子作餅熱貼臍間時許神氣少甦以參朮附子為末仍以昇藥加陳皮煎膏為丸如粟米大八五七粒於口隨津液嚥下即不嘔二日後加至十餘粒諸病少退甘涎不止五日後漸服前劑一二匙胃氣少復乃思粥飲後投以參朮等藥溫補脾胃五十餘劑而愈大雅敢述病狀之奇用藥之神求附卷末一以見感恩之意一以示後之患者當取法於此云爾府學晚生長洲饒潭沈大雅頓首拜書

命門火衰不能生土等症五

廷評張汝翰胸膈作痞飲食難化服枳朮充久而形體消瘦後熱口乾脈浮大而微用補中益氣加薑桂諸症悉退惟見脾胃虛寒遂用八味丸補命門火不月而飲食進三月而形體充此症若不用前丸多變腹脹喘促腿足浮腫小便淋瀝等症急用濟生加減腎氣丸亦有得生者

一儒者雖盛暑喜燃火四肢常欲沸湯漬之面赤吐痰一似實火吐甚宿食亦出惟食椒薑之物方快余謂食入反出乃脾胃虛寒用八味丸及十全大補加炮薑漸愈不月平復  
一婦人飲食無過碗許非大便不實必吞酸酸腐或用二陳黃連更加肉熱作嘔余謂東垣先生云邪熱不殺穀此脾胃虛弱未傳寒中以六君加炮薑朮香數劑胃氣漸復飲食漸進又以補中益氣加炮薑朮香茯苓半夏數劑全愈後怒飲食頓少元

氣頓怯更加發熱誠似實火脉洪大而虛兩尺如無用益氣湯  
八味丸兩月餘諸症悉愈

佐云向因失足割然有聲坐立久則手足麻木雖夏月足寒如  
冰嘉靖己亥因醉睡覺而飲水復睡遂覺右腹痞結夏月以手  
摩之腹間漉漉有聲熱摩則氣泄而止每每加劇飲食稍多則  
作痛瀉求治於醫令服枳朮丸固守勿効申辰歲求治於立齋  
先生診之喟然歎曰此非脾胃病乃命門火衰不能生土虛寒  
使之然也若專主脾胃誤矣可服八味丸則愈予亦敬服果驗  
益八味丸有附子醫家固敢輕用夫附子斬關奪旗回生起死  
非良將莫能用立齋先生今之武侯也家貧不能報德姑敘此  
以記治驗嘉靖甲辰十二月望後二日杉墩介菴朱佐頓首書  
光祿鄺子涇面白神勞食少難化所服皆二陳山梔似實之類

形體日瘦飲食日減余謂此脾土虛寒之症法當補土之母彼  
不信乃徑補土以致不起

羅工部仲夏腹惡寒而外惡熱鼻吸氣而腹覺冷體畏風而惡  
寒脉大而虛微每次進熱粥既許必兼食生薑既餘若粥離火  
食腹內冷余曰熱之不熱是無火也當用八味丸壯火之源以  
消陰翳彼反服四物玄參之類而歿

工部陳禪亭發熱有痰服二陳黃連枳殼之類病益甚甲辰季  
冬請治其脉左尺微細右關浮大重按微弱余曰此命門火衰  
不能生土而脾病當補火以生土或可愈也不悟仍服前藥脾  
土愈弱至乙巳閏正月病已革復邀治右寸脉平脫此土不能  
生金生氣絕於內矣辭不治經云虛則補其母實則瀉其子凡  
病在子當補其母况病在母而屬不足反瀉其子不死何俟

辛丑年余在嘉興屠漸山第有林二守不時昏憤請余治之謔語不絕脉洪大按之如無此陽虛之症也當用參附湯治之有原醫者揚喜而迎曰先得我心之同然遂服之即靜睡覺而進食午後再劑神思如故其脉頓斂余反後又詐云用附子多矣吾以黃連解之陰仍用參附湯竊觀仲景先生治傷寒云桂枝下咽陽盛乃斃硝黃入胃陰盛乃亡不辨而自明矣吾恐前言致誤患者故表而出之

腎虛火不歸經發熱等症六

大尹沈用之不時發熱日飲冰水數碗寒藥二劑熱渴益甚形體日瘦尺脉洪大而數時或無力王太僕曰熱之不熱責其無火寒之不寒責其無水又云倏熱往來是無火也時作時止是無水也法當補腎用加減八味丸不月而愈

通安橋顧大有父年七十有九仲冬將出小妾入房致頭痛發熱眩暈喘急痰涎壅盛小便頻數口乾引飲遍舌生刺縮斂如荔枝然下唇黑裂面目俱赤煩燥不寐或時喉間如烟火上衝急飲涼茶少解已瀕於死脉洪大而無倫且有力捫其身烙手此腎經虛火遊行於外投以十全大補加山茱澤瀉丹皮山藥麥門五味附子一鍾熟寐良久脉症各減三四再與八味丸服之諸症悉退後畏冷物而痊

下堡顧仁成年六十有一痢後入房精滑自遺二日方止又房勞感寒怒氣遂發寒熱右脇痛連心胸腹痞自汗盜汗如雨四肢厥冷睡中驚悸或覺上升如浮或覺下陷如墜遂致廢寢或用補藥二劑益甚脉浮大洪數按之微細此屬無火虛熱急與十全大補加山藥山茱丹皮附子一劑諸症頓愈而痊此等元

氣百無一二二顧是文子也

一儒者口乾發熱小便頻濁大便秘結盜汗夢遺遂致廢寢用當歸六黃湯二劑盜汗頓止用六味地黃丸二便調和用十全大補湯及前丸兼服月餘悉愈

州同韓用之年四十有六時仲夏色慾過度煩熱作渴飲水不絕小便淋瀝大便秘結唾痰如湧面目俱赤滿舌生刺兩唇燥裂遍身發熱或時如芒刺而無定處兩足心如烙以水折之作痛脉洪而無倫此腎陰虛陽無所附而發於外非火也蓋大熱而甚寒之不寒是無水也當峻補其陰遂以加減八味丸料一斤內肉桂一兩以水頓煎六碗水冷與飲半餉已用大半睡覺而食温粥一碗復睡至晚乃以前藥温飲一碗乃睡至曉食熟粥二碗諸症悉退翌日畏寒足冷至膝諸症仍至或以爲傷寒

余曰非也大寒而甚熱之不熱是無火也陽氣亦虛矣急以八味丸一劑服之稍緩四劑諸症復退大便至十三日不通以猪膽導之諸症復作急用十全大補湯數劑方應

舉人陳履賢色慾過度丁酉孟冬發熱無時飲水不絕遺精不止小便淋瀝或用四物芩連之類前症益甚更加痰涎上湧口舌生瘡服二陳黃柏知母之類胸膈不利飲食少思更加枳殼香附肚腹作脹大便不實脉浮大按之微細余朝用四君爲主佐以熟地當歸夕用加減八味丸更以附子唾津調搽湧泉穴漸愈後用十全大補湯其大便不通小腹作脹此直腸乾澀令猪膽通之形體殊倦痰熱頓增急用獨參湯而安再用前藥而愈但勞發熱無時其脉浮洪余謂其當慎起居否則難治彼以余言爲迂至乙巳夏復作乃服四物黃柏知母而歿

吳江晚生沈察頓首云僕年二十有六所稟虛弱兼之勞心  
 癸巳春發熱吐痰甲午冬為甚其熱時起於小腹吐痰而無定  
 時治者謂脾經濕痰鬱火用苓連枳實二陳或專主心火用三  
 黃丸之類至乙未冬其熱多起足心亦無定時吐痰不絕或遍  
 身如芒刺然治者又以為陰火生痰用四物二陳黃柏知母之  
 類俱無驗丙申夏痰熱愈甚盜汗白汗果屬痰火耶陰虛耶乞  
 高明裁示云余曰此症乃腎經虧損火不歸經當壯水之主  
 以鎮陽光乃就診於余果尺脈洪大餘却虛浮遂上補中益氣  
 及六味地黃而愈後不守禁其脈復作余謂火令可憂當補調  
 攝會試且緩但彼忽略至戊戌夏果歿於京

脾胃虧損吞酸噯腐等症七

大司馬王浚川嘔吐宿滯臍腹痛甚手足俱冷脈微細用附子

理中丸一服益甚脈浮大按之而細用參附湯一劑頓愈

趙吏部文卿患吐不止吐出皆酸味氣口脈大於人迎二三倍

速余投劑余曰此食鬱上宜吐不須用藥乃候其吐清火無酸

氣寸脈漸減尺脈漸復翌早吐止至午脈俱平復勿藥自安後

無陝右過蘇顧訪傾蓋清談厚過於昔且念余在林下頻以言

一儒者面色痿黃胸膈不利吞酸噯腐恪服理氣化痰之藥大

便不實食少體倦此脾胃虛寒用六君加炮薑木香漸愈更兼

用四神丸而元氣復此症若中氣虛弱者用人參理中湯或補

中益氣加木香乾薑不應送左金丸或越鞠丸若中氣虛寒必

加附子或附子理中湯無有不愈

一上舍飲食失宜胸膈膨脹噯氣吞酸以自知醫用二陳枳實

黃連蒼朮黃柏之類前症益甚更加足指腫痛指縫出水余用

補中益氣加茯苓半夏治之而愈若腿足浮腫或焮腫寒熱嘔吐亦用前藥

儒者胡濟之場屋不利胸膈膨悶飲食無味服枳朮丸不時作嘔用二陳黃連枳實痰湧氣促加紫蘇枳壳喘嗽腹脹加厚朴腹皮小便不利加檳榔蓬朮泄瀉腹痛悉屬虛寒用六君加薑桂二劑不應更加附子一錢二劑稍退數劑十愈六七乃以八味丸全愈

一上舍嘔吐痰涎發熱作渴胸膈痞滿或用清氣化痰降火前症益甚痰涎自出余曰嘔吐痰涎胃氣虛寒發熱作渴胃不生津胸膈痞滿脾氣虛弱須用參芪歸朮之類溫補脾胃生發陽氣諸病自退彼不信仍服前藥虛症悉至復請治余曰飲食不入吃逆不絕泄瀉腹痛手足逆冷是謂五虛煩熱作渴虛

於外也脉洪大脉欲絕也死期迫矣或曰若然殞於日乎夜乎余曰脉洪大當殞於晝果然

余母太宜人年六十有五己卯春二月飲食後偶聞外言忤意嘔吐酸水內熱作渴飲食不進惟飲冷水氣口脉大而無倫面色青赤此胃中濕熱鬱火投之以藥入口即吐第三日吐酸物第七日吐酸黃水十一日吐苦水脉益洪大仍喜冷水以黃連一味煎湯冷飲少許至二十日加白朮白茯苓至二十五日加陳皮三十七日加當歸炙甘草至六十日始進清米飲半盞漸進薄粥飲調理得痊

一婦人吞酸噯腐嘔吐痰涎面色純白或用二陳黃連枳實之類加發熱作渴肚腹脹滿余曰此脾胃虧損未傳寒中不信仍作火治肢體腫脹如蠱余以六君加附子木香治之胃氣漸進

飲食漸進虛火歸結又以補中益氣加炮薑木香茯苓半夏兼服全愈

一婦人性沈靜多慮胸膈不利飲食少思腹脹吞酸面色青黃用疎利之劑余曰此脾虛痞滿當益胃氣不信仍用之胸膈果滿飲食愈少余以調中益氣加香砂炮薑漸愈後以六君芎歸貝母桔梗炮薑而愈

仙云家母久患心腹疼痛每作必胸滿嘔吐厥逆面赤唇麻咽乾舌燥寒熱不時而脉洪大衆以痰火治之屢止屢作迨乙巳春發熱頻甚用藥反劇有朱存默氏謂服涼寒藥所致欲用參朮等劑余疑痛無補法乃請立齋先生以折中焉先生診而歎曰此寒涼損真之故內真寒而外假熱也且脉息弦洪而有怪狀乃脾氣虧損肝脉乘之而然惟當溫補其胃遂與補中益氣

加半夏茯苓吳茱木香一服而効家母病發月餘竟夕不安今熟寐徹曉洪脉頓斂怪脉頓除諸症釋然先生之見蓋有本歟家母餘齡皆先生所賜杏林報德沒齒不忘謹述此乞附醫按諒有大史者采入倉公諸篇以垂不朽將使後者觀察焉嘉靖乙巳春月吉日陳湖春生陸伯頓首謹書

一婦人年三十餘忽不進飲食日飲清茶三五碗并少用水果二年餘矣經行每次過期而少余以爲脾氣鬱結用歸脾加吳茱不數劑而飲食如常若入脾腎虛而不飲食當以四神丸治之一婦人年踰二十不進飲食二年矣日飲清茶果品之類面部微黃浮腫形體如常仍能步履但體倦怠肝脾二脉弦浮按之微而結滯余用六君加木香吳茱下痰積甚多飲食頓進形體始瘦卧床月餘仍服六君之類而安



薛氏醫按 婦人患此見女科撮要

脾腎虛損停食泄瀉等症 八

進士劉華甫停食腹痛瀉黃吐痰服二陳山梔黃連枳實之類其症益甚左關弦緊右關弦長乃肝木尅脾土用六君加木香治之而愈若食已消而泄未已宜用異功散以補脾胃如不應

用補中益氣升發陽氣凡泄利色黃脾土虧損真氣下陷必用前湯加木香肉蔻溫補如不應當補其母宜八味丸

光祿柴黼菴善飲泄瀉腹脹吐痰作嘔口乾此脾胃之氣虛先用六君加神麩痰嘔已止再用補中益氣加茯苓半夏瀉脹亦愈此症若濕熱壅滯當用葛花解醒湯分消其濕濕既去而瀉未已須用六君加神麩實脾土化酒積然雖爲酒而作實因脾土虛弱不可專主濕熱

舊僚錢可久素善飲面赤痰盛大便不實此陽胃濕痰壅滯用

二陳芩連山梔枳實乾葛澤瀉升麻一劑吐痰甚多大便始實

此後日以黃連三錢泡湯飲之而安但如此稟厚者不多耳

一儒者善飲便滑溺瀉食減胸滿腿足漸腫症屬脾腎虛寒用

加減金匱腎氣丸食進腫消更用八味丸胃強脾健而愈

一男子侵晨或五更吐痰或有酸味此是脾氣虛弱用六君送

四神丸而愈若脾氣鬱滯用二陳加桔梗山梔送青連丸若鬱

結傷脾用歸脾湯送香連丸若胸膈不舒歸脾加柴胡山梔送

左金丸若胃氣虛津液不能運化用補中益氣送左金丸

一羽士停食泄瀉自用四芩黃連枳實麩蘖益甚余曰此脾腎

泄也當用六君加薑桂送四神丸不信又用沉香化氣丸一服

臥床不食咳則糞出幾至危殆終踐余言而愈蓋化氣之劑峻

厲猛烈無經不傷無臟不損豈宜輕服  
 嘉靖乙未紹患肝本克脾面赤生風大腸燥結炎火衝上久之  
 遂致臟毒下血腸鳴溏泄腹脹喘急馴至絕穀瀕于殆矣諸醫  
 方以枳實黃連之劑投之展轉增劇乃求治于立齋先生先生  
 曰爾症脾腎兩虛內真寒而外假熱法當溫補遂以參朮為君  
 山藥黃芪肉果薑附為臣茱萸骨脂五味歸苓為佐治十劑俾  
 以次服之諸醫皆曰此火病也以火濟火可乎紹雅信先生不  
 為動服之淡旬盡劑而血止諸疾遄已先是三年前先生過紹  
 謂曰爾面部赤風脾胃病也不治將深余心憂之而息緩以須  
 疾發又惑於眾論幾至不救微先生吾其土矣嗚呼先生之術  
 亦神矣哉紹無以報盛德敬述梗概求附案末以為四方抱患  
 者告庶用垂惠於無窮云長州朱紹

脾胃虧損停食痢疾等症九

崔司空年逾六旬患痢赤白裏急後重此濕熱壅滯用芍藥湯  
 內加大黃二錢一劑減牛又劑全愈惟急重未止此脾氣下陷  
 用補中益氣送香連丸而愈

羅給事小腹急痛大便欲去不去此脾腎氣虛而下陷也用補  
 中益氣送八味丸二劑而愈此等症候因痢藥致損元氣肢體  
 腫脹而死者不可枚舉

小宗伯顧東江停食患痢腹痛下墜或用疎導之劑兩足腫脹  
 食少體倦煩熱作渴脈洪數按之微細余以六君加薑桂各二  
 錢吳茱五味各一錢煎熟冷服之即睡覺而諸症頓退再劑全  
 退此假熱而治以假寒也

太常邊華泉嘔吐不食腹痛後重自用大黃等藥一劑腹痛益

甚自汗發熱昏憤脈大余用參朮各一兩炙甘草炮薑各三錢

升麻一錢一鍾而甦又用補中益氣加炮薑二劑而愈

廷評曲汝爲食後入房翌午腹痛去後似痢非痢次日下皆膿

血煩熱作渴神思昏倦用四神丸一服頓減又用八味丸料加

五味吳茱萸骨脂肉蔻二劑全愈

判官汪天錫年六十餘患痢腹痛後重熱渴引冷飲食不進用

芍藥湯內加大黃一兩四劑稍應仍用前藥大黃減半數劑而

愈此等元氣百無一二

通府薛允頴下血服犀角地黃湯等藥其血愈多形體消瘦發

熱少食裏急後重此脾氣下陷余用補中益氣加炮薑一劑而愈

一上舍患痢後重自知醫用芍藥湯後重益甚飲食少思腹寒

肢冷余以爲脾胃虧損用六君加木香炮薑二劑而愈

一老人素以酒乳同飲去後似痢非痢胸膈不寬用痰痢等藥

不効余思本草云酒不與乳同飲爲得酸則凝結得苦則行散

遂以茶茗爲丸時用清茶送三五丸不數服而瘥

一老婦食後因怒患痢裏急後重屬脾氣下陷與大劑六君加

附子肉蔻煨木香各一錢吳茱萸五分骨脂五味各一錢五分二

劑諸症悉退惟小腹脹滿此肝氣滯於脾也與調中益氣加附

子木香五分四劑而愈後口內覺鹹此腎虛水泛與六味地黃

丸二劑頓愈

先母年八十仲夏患痢腹痛作嘔不食執渴引湯手按腹痛稍

止脈鼓指而有力真氣虛而邪氣實也急用人參五錢白朮茯

苓各三錢陳皮升麻附子炙甘草各一錢服之睡覺索食脈症

頓退再劑而安此取症不取脈也凡暴病毋論其脈當從其症

時石閣老太夫人其年歲脉症皆同彼乃專治其痢遂致起不  
橫金陳紫園年六十面帶赤色吐痰口乾或時作瀉癸卯春就  
診謂余曰僕之症或以爲脾經濕熱痰火作瀉率用二陳黃連  
枳實神麩麥芽白朮柴胡之類不應何也余脉之左關弦緊腎  
水不能生肝木也右關弦大肝木乘剋脾土也此乃脾腎虧損  
不能生剋制化當滋化源不信余謂其甥朱太守陽山曰令舅  
不久當殞於痢至甲辰夏果患痢而歿

脾胃虧損瘧疾寒熱等症十

冬官朱省菴停食感寒而患瘧自用清脾截瘧二藥食後腫脹  
時或作痛服二陳黃連枳實之類小腹重墜腿足浮腫加白朮  
山查吐食未化謂余曰何也余曰食後腫脹乃脾虛不能剋化

也小腹重墜乃脾虛不能升舉也腿足浮腫乃脾虛不能運行  
也吐食不消乃脾胃虛寒無火也治以補中益氣加吳茱炮薑  
木香肉桂一劑諸症頓退飲食頓加不數劑而痊大凡停食之  
症宜用六君枳實厚朴若食已消而不愈用六君子湯若內傷  
外感用藿香正氣散若內傷多而外感少用人參養胃湯若勞  
傷元氣兼外感用補中益氣加川芎若勞傷元氣兼停食補中  
益氣加神麩陳皮若氣惱兼食用六君加香附山梔若噯酸或  
食後口酸當節飲食病作時大熱燥渴以薑湯乘熱飲之此截  
瘧之良法也每見發時飲啖生冷物者病或少愈多致脾虛胃  
損往往不治大抵內傷飲食者必惡食外感風寒者不惡食審  
係勞傷元氣雖有百症但用補中益氣湯其病自愈其屬外感  
者主以補養佐以解散其邪自退若外邪既退卽補中益氣以

實其表若邪去而不實其表或過用發表虧損脾胃皆致綿延  
難治凡此不問陰陽日夜所發皆宜補中益氣此不截之截也  
夫人以脾胃為主未有脾胃實而患瘧痢者若專主發表攻裏  
降火導痰是治其末而忘其本前所云乃瘧之大略如不應當  
分六經表裏而治之說見各方

大尹曹時用患瘧寒熱用止截之劑反發熱惡寒飲食少思神  
思甚倦其脈或浮洪或微細此陽氣虛寒余用補中益氣內參  
芪歸朮各加三錢甘草一錢五分加炮薑附子各一錢一劑而  
寒熱止數劑而元氣復

一儒者秋患寒熱至春未愈胸痞腹脹余用人參二兩生薑一  
兩煨熟煎頓服寒熱即止更以調中益氣加半夏茯苓炮薑數  
劑元氣頓復後任縣尹每飲食勞倦疾作服前藥即愈大凡久

瘧乃屬元氣虛冷蓋氣虛則寒血虛則熱胃虛則惡寒脾虛則  
發熱陰火下流則寒熱交作或吐涎不食泄瀉腹痛手足逆冷  
寒戰如慄若誤投以清脾截瘧二飲多致不起

一上舍每至夏秋非停食作瀉必瘧痢霍亂遇勞吐痰頭眩體  
倦發熱惡寒用四物二味苓連枳實山梔之類患瘧服止截之  
藥前症益甚時或遍身如刺然余以補中益氣加茯苓半夏  
內參芪各用三錢歸朮各二錢十餘劑少愈若間斷其藥諸病  
仍至連服三十餘劑全愈又服還少丹半載形體充實

一婦人瘧久不愈發後口乾倦甚用七味白朮散加麥門五味  
作大劑煎與恣飲再發稍可乃用補中益氣加茯苓半夏十餘  
劑而愈凡截瘧余常以參朮各一兩生薑四兩煨熟煎服即止  
或以大劑補中益氣加煨薑尤効生薑一味亦効

東洞庭馬志卿瘧後形體骨立發熱惡寒食少體倦用補中益氣內參芪歸朮各加三錢甘草一錢五分炮薑二錢一劑而寒熱止數劑而元氣復

一婦人久患寒熱服清脾飲食類胸膈飽脹飲食減少余用調中益氣加茯苓半夏炮薑各一錢二劑而痊

一婦人勞役停食患瘧或用消導止截飲食少思體瘦腹脹余以補中益氣倍用參芪歸朮甘草加茯苓半夏各一錢五分炮薑五錢一劑頓安又以前藥炮薑用一錢不數劑元氣復而愈全產後瘧狀見女科撮要

脾肺虧損咳嗽痰喘等症

十一

大參李北泉時吐痰涎內熱作渴肢體倦怠勞而足熱用清氣化痰益甚余曰此腎水泛而為痰法當補腎不信另進滾痰丸

一服再瀉不止飲食不入頭暈眼閉始信余用六君子湯數劑胃氣漸復却用六味丸月餘諸症悉愈

鴻臚蘇龍溪咳嗽氣喘鼻塞流涕余用參蘇飲一劑以散寒邪更用補中益氣湯以實腠理而愈後因勞怒仍作自用前飲益甚加黃連枳實腹脹不食小便短小服二陳四苓前症愈劇小便不通余曰腹脹不食脾胃虛也小便短小肺腎虛也悉因攻伐所致投以六君加黃芪炮薑五味二劑諸症頓退再用補中益氣加炮薑五味數劑全愈

地官李北川每勞咳嗽余用補中益氣湯即愈一日復作自用參蘇飲益甚更服人參敗毒散項強口噤腰背反張余曰此誤汗亡津液而變瘥矣仍以前湯加附子一錢四劑而痊感冒咳嗽若誤行發汗過多喘促呼吸不利吐痰不止必患肺癰

侍御譚希曾咳嗽吐痰手足時冷余以為脾肺虛寒用補中益氣加炮薑而愈

職坊王用之喘嗽作渴面赤鼻乾余以為脾肺有熱用二陳加芩連山梔桔梗麥門而愈

僉憲阮君聘咳嗽面白鼻流清涕此脾肺虛而兼外邪用補中益氣加茯苓半夏五味治之而愈又用六君芎歸之類而安

司廳陳國華素陰虛患咳嗽以自知醫用發表化痰之劑不應

用清熱化痰等藥其症愈甚余曰此脾肺虛也不信用牛黃清心丸更加胸腹作脹飲食少思足三陰虛症悉見朝用六君桔梗升麻麥門五味補脾土以生肺金夕用八味丸補命門火以

生脾土諸症漸愈經云不能治其虛安問其餘此脾土虛不能生肺金而金病復用前藥而反瀉其火吾不得而知也

中書鮑希伏素陰虛患咳嗽服清氣化痰丸及二陳芩連之類痰益甚用四物黃柏知母玄參之類腹脹咽啞右關脉浮弦右

尺脉洪大余曰脾土既不能生肺金陰火又從而尅之當滋化源朝用補中益氣加山茱麥門五味夕用六味地黃丸加五味

子三月餘喜其慎疾得愈

武選汪用之飲食起居失宜咳嗽吐痰用化痰發散之藥時仲夏脉洪數而無力胸滿面赤吐痰腥臭汗出不止余曰水泛為

痰之症而用前劑是謂重亾津液得非肺癰乎不信仍服前藥翌日果吐膿脉數左三右寸為甚始信用桔梗湯一劑膿數頓

止再劑全止面色頓白仍於憂惶余曰此症面白脉濇不治自愈又用前藥一劑佐以六味丸治之而痊

錦衣李大用素不慎起居吐痰自汗咳嗽發熱服二陳芩連枳

殼山樞之類前症不減飲食少思用四物二陳芩連黃柏知母  
玄參之類前症愈甚更加胸腹不利飲食益少 內熱脯熱加  
桑皮紫蘇杏仁紫苑桔梗之類胸膈膨脹小便短少用猪苓澤  
瀉白朮茯苓枳殼青皮半夏黃連蘇子胸膈痞滿脇肋膨脹小  
便不通加茵陳葶藶喘促不卧飲食不進余診之六脉洪數肺  
腎二部尤甚余曰脾土既不能生肺金而心火又乘之此肺癰  
之作也當滋化源緩則不救不信後唾膿痰復求治余曰胸膈  
痞滿脾土敗也喘促不卧肺金敗也小便不通腎水敗也脇肋  
膨脹肝木敗也飲食不化心火敗也此化源既絕五臟已敗然  
藥豈能生耶已而果然

絲客姚荃者素鬱怒年近六十脾胃不健服香燥行氣飲食少  
思兩脇脹悶服行氣破血飲食不入右脇脹痛喜用手按彼疑  
爲膈氣痰飲內傷余曰乃肝木尅脾土而脾土不能生肺金也  
若內有瘀血雖單衣亦不敢著肉用滋化源之藥四劑諸症頓  
退彼以爲愈余曰火令在適當補脾土以保肺金彼不信後復  
作另用痰火之劑益甚求治左關右寸滑數此肺內潰矣仍不  
信乃服前藥果吐穢膿而歿

學士吳北川過飲痰壅舌本強硬服降火化痰藥痰氣益甚肢  
體不遂余作脾虛濕熱治之而愈

上舍史瞻之每至春咳嗽用參蘇飲加芩連桑杏乃愈乙巳春  
患之用前藥益甚更加喉痞就治左尺洪數而無力余曰此是  
腎經陰火刑尅肺金當滋化源遂以六味丸料加麥門五味炒  
梔及補中益氣湯而愈

儒者張克明咳嗽用二陳芩連枳殼胸滿氣喘侵晨吐痰加蘇



子杏仁口出痰涎口乾作渴余曰侵晨吐痰脾虛不能消化飲食胸滿氣喘脾虛不能生肺金涎沫自出脾虛不能收攝口乾作渴脾虛不能生津液遂用六君加炮薑肉果溫補脾胃更用八味丸以補土母而愈

一男子夏月吐痰或嗽用胃火藥不應余以為火乘肺金用麥門冬湯而愈後因勞復嗽用補中益氣加桔梗山梔片芩麥門五味而愈但口乾體倦小便赤澀日用生脉散而痊若咳而屬胃火有痰宜竹葉石膏湯胃氣虛宜補中益氣加貝母桔梗若陰火上衝宜生脉散送地黃丸以保肺氣生腎水此乃真臟之患非滋化源決不能愈

一婦人患咳嗽脇痛發熱日晡益甚用加味道遙散熟地治之而愈年餘因怒氣勞役前症仍作又太陽痛或寒熱往來或咳

嗽遺尿皆屬肝火血虛陰挺痿痺用前散及地黃丸月餘而

表弟婦咳嗽發熱嘔吐痰涎日夜約五六碗喘咳不寧胸痞躁

渴飲食不進崩血如湧此命門火衰脾土虛寒用八味丸及附

子理中湯加減治之而愈詳見婦人血崩

一婦人不得於姑患咳胸膈不利飲食無味此脾肺俱傷痰鬱

於中先用歸脾湯加山梔撫芎貝母桔梗諸症漸愈後以六君

加芎歸桔梗間服全愈

一婦人咳嗽早間吐痰甚多夜間喘急不寐余謂早間出痰乃

脾虛飲食所化夜間喘急乃肺虛陰火上衝遂用補中益氣加

麥門五味而愈

一婦人飲食後因怒患瘧嘔吐用藿香正氣散二劑而愈後復

怒吐痰甚多狂言熱熾胸脇脹痛手按少止脉洪大無倫按之

微細此屬脾肝二經血虛以加味道遙散加熟地川芎二劑脉  
 症頓退再用十全大補而安此症若用疎通之劑是犯虛之  
 上舍陳道復長子虧損腎經久患咳嗽午後益甚余曰當補脾  
 土滋化源使金水自能相生時孟春不信乃服黃柏知母之類  
 至夏吐痰引飲小便頻數面目如緋余以白朮當歸茯苓陳皮  
 麥門五味丹皮澤瀉四劑乃以參芪熟地山茱爲丸俾服之諸  
 症頓退復請視余以爲信遂用前藥如常與之彼仍泥不服卒  
 致不起

產後咳嗽見女科撮要

各症方藥 十二

四物湯 治肝脾腎血虛發熱或日晡熱甚頭目不清或煩躁  
 不寐胸膈作脹或脇作痛宜用此湯若脾氣虛而不能生血

宜用四君子湯若脾氣鬱而虛宜用歸脾湯若腎水涸而不  
 能生肝血宜用六味丸

當歸

熟地黃

各三錢

芍藥

二錢

川芎

一錢五分

右水煎服

加味四物湯即前方加白朮茯苓柴胡丹皮

四君子湯

治脾胃虛弱飲食少進或肢體腫脹肚腹作痛或

大便不實體瘦面黃或胸膈虛痞痰嗽吞酸若因脾胃虛寒  
 而致宜香砂六君子若因脾經鬱結而致宜歸脾湯若因肝  
 木侮脾胃而致宜用六君加芍藥木香若命門火虛而致宜  
 用八味丸

人參

白朮

茯苓

各二錢

甘草

一錢

右薑棗水煎服

異功散 治久咳不已或腹滿少食或面腫氣逆又治脾胃虛弱飲食少思等症即前方加陳皮

六君子湯即四君子加半夏陳皮治脾胃虛弱飲食少思或久患瘧痢若見內熱或飲食難化作酸乃屬虛火須加炮薑其功甚速

香砂六君子湯即用前方加香附藿香砂仁

人參理中湯 治脾胃虛弱飲食少思或去後無度或嘔吐腹痛或飲食難化胸膈不利或瘧疾中風虛損久不能愈或中風虛弱痰氣不痢口舌生瘡加附子名附子理中湯治中風虛寒而患前症又治人房腹痛手足厥冷或犯寒氣或食

人參

白朮

乾薑

甘草

各等分

右每服五七錢或一兩水煎服

附子理中湯 治脾胃虛寒手足厥冷飲食不入或腸鳴切痛

嘔逆吐瀉即前方加附子等分照前服

八珍湯 治風血虛弱惡寒發熱煩躁作湯或不時寒熱眩暈昏憤或大便不實小便赤淋或飲食少思小腹作痛等症即四物四君合方

十全大補湯 即八珍加黃芪肉桂治症同前又治遺精白濁

自汗盜汗或內熱晡熱潮熱發熱或口乾作渴喉痛舌裂或胸乳膨脹脇肋作痛或臍腹陰冷便溺餘滴或頭頸時痛眩暈目花或心神不寧寤而不寐或形容不充肢體作痛或鼻吸氣冷急趨氣促此皆是無根虛火但服此藥諸症悉退

人參養榮湯

治脾肺俱虛發熱惡寒四肢倦怠肌肉消瘦面黃短氣食少作瀉若氣血虛而變見諸症莫能名狀勿論其

病勿論其脉但用此湯其病悉退

白芍藥 一錢五分

人參

陳皮

黃芪 蜜炙

桂心

當歸

白朮

甘草 炙各一錢

熟地黃

五味子 炒杵

茯苓 各七分半

遠志 五分

右薑棗水煎服

當歸補血湯

治氣血俱虛肌熱惡寒面目赤色煩渴引飲脉

洪大而虛重按似無此脉虛血虛也此病多有得於饑飽勞

役者

黃芪 炙一兩

當歸 酒製二錢

右水煎服

當歸六黃湯

當歸

黃芪 炒

生地黃

熟地黃 各錢

黃芩

黃連

黃柏 各炒焦五分

右水煎服

獨參湯

治一切失血惡寒發熱作渴煩躁蓋血生於氣故血

脫補氣陽生陰長之理也

人參 二兩

右棗十枚水煎服

歸脾湯

治思慮傷脾不能攝血致血妄行或健忘怔忡驚悸

盜汗或心脾作痛嗜臥少食大便不調或肢體重痛月經不

調赤白帶下或思慮傷脾而患瘧痢

人參

白朮

白茯苓

黃芪

龍眼肉

酸棗仁 各二錢

遠志 一錢

木香

甘草 炙各五分

當歸 一錢

右薑棗水煎服

加味歸脾湯即前方加柴胡山梔

加減八味丸

治腎水不足虛火上炎發熱作渴口舌生瘡或

牙齦潰爛咽喉作痛或形體憔悴寢汗發熱五臟齊損即六

味丸加肉桂一兩

六味丸

一名地黃丸 一名腎氣丸

治腎經不足發熱作渴小便淋秘氣壅痰

嗽頭目眩暈眼華耳聾咽燥舌痛齒牙不固腰腿痿軟自汗

盜汗便血諸血失音水泛為痰血虛發熱等症其功不能盡

熟地黃

八兩 梓膏

山茱萸肉

乾山藥

各四兩

牡丹皮

白茯苓

澤瀉

各三兩

右各另為末和地黃加煉蜜丸桐子大每服七八十丸空心

食前滾湯下

八味丸

治命門火衰不能生土以致脾胃虛寒飲食少思大

便不實臍腹疼痛夜多漩溺等症即六味丸加肉桂附子各

一兩

餘方見下卷

